

御定孝經衍義

欽定四庫全書薈要

吉林出版集團有限責任公司
海 天 出 版 社

吉林出版集團有限責任公司
海 天 出 版 社

欽定四庫全書薈要

經 部
孝 經 類

目次

書名	卷次	頁次	作者
御定孝經衍義	卷四二—卷一〇〇		清・世祖章皇帝特詔 儒臣修纂 聖祖仁皇帝復命 編輯
卷四二 天子之孝 敬親		六九—一	
卷四三 天子之孝 事天地衍敬親之義		六九—一六	
卷四四 天子之孝 事天地衍敬親之義		六九—二八	
卷四五 天子之孝 法祖宗衍敬親之義		六九—四〇	
卷四六 天子之孝 法祖宗衍敬親之義		六九—四六	
卷四七 天子之孝 法祖宗衍敬親之義		六九—五二	
卷四八 天子之孝 隆郊配衍敬親之義		六九—五七	

書名	卷次	頁次	作者
卷四九 天子之孝 隆郊配衍敬親之義		六九—六七	
卷五〇 天子之孝 隆郊配衍敬親之義		六九—七三	
卷五一 天子之孝 嚴宗廟衍敬親之義		六九—七九	
卷五二 天子之孝 嚴宗廟衍敬親之義		六九—八八	
卷五三 天子之孝 嚴宗廟衍敬親之義 上陵附		六九—九九	
卷五四 天子之孝 重學校衍敬親之義		六九—一〇九	
卷五五 天子之孝 重學校衍敬親之義 養老附		六九—一一九	
卷五六 天子之孝 崇聖學衍敬親之義		六九—一三九	
卷五七 天子之孝 崇聖學衍敬親之義		六九—一五四	

書名	卷次	頁次	作者
卷五八 天子之孝 崇聖學衍敬親之義 講筵附 卷五九 天子之孝 崇聖學衍敬親之義 經籍附 卷六〇 天子之孝 教宮闈衍敬親之義 卷六一 天子之孝 教宮闈衍敬親之義 卷六二 天子之孝 論官材衍敬親之義 卷六三 天子之孝 論官材衍敬親之義 銓選附 卷六四 天子之孝 論官材衍敬親之義 考課附 卷六五 天子之孝 論官材衍敬親之義 舉逸附 卷六六 天子之孝 優大臣衍敬親之義		六九—一六九 六九—一八〇 六九—一八八 六九—一九六 六九—二〇三 六九—二一九 六九—二三三 六九—二四三 六九—二四九	

書名	卷次	頁次	作者
卷六七 天子之孝 設諫官衍敬親之義		六九—二五五	
卷六八 天子之孝 設諫官衍敬親之義		六九—二七一	
卷六九 天子之孝 正紀綱衍敬親之義		六九—二八三	
卷七〇 天子之孝 別賢否衍敬親之義		六九—二九五	
卷七一 天子之孝 製國用衍敬親之義		六九—三〇七	
卷七二 天子之孝 製國用衍敬親之義		六九—三一五	
卷七三 天子之孝 厚風俗衍敬親之義		六九—三二四	
卷七四 天子之孝 厚風俗衍敬親之義		六九—三四一	
卷七五 天子之孝 厚風俗衍敬親之義		六九—三五六	

書名	卷次	頁次	作者
卷七六 諸侯之孝 愛親		六九—三六四	
卷七七 諸侯之孝 敬親		六九—三七三	
卷七八 諸侯之孝 不驕		六九—三七九	
卷七九 諸侯之孝 不溢		六九—三九六	
卷八〇 卿大夫之孝 愛親		六九—四一二	
卷八一 卿大夫之孝 愛親		六九—四二七	
卷八二 卿大夫之孝 愛親		六九—四四〇	
卷八三 卿大夫之孝 敬親		六九—四五七	
卷八四 卿大夫之孝 法服		六九—四九五	

書

名

卷

次

頁

次

作

者

卷八五

卿大夫之孝 法言

卷八六

卿大夫之孝 德行

卷八七

卿大夫之孝 德行

卷八八

卿大夫之孝 德行

卷八九

卿大夫之孝 德行

卷九〇

士之孝 愛親

卷九一

士之孝 敬親

卷九二

士之孝 事君忠

卷九三

士之孝 事君忠

六九—五〇七

六九—五三二

六九—五五四

六九—五七二

六九—五八二

六九—五九九

六九—六一九

六九—六三三

六九—六五〇

書名	卷次	頁次	作者
卷九四 士之孝 事長順		六九—六六八	
卷九五 士之孝 事長順		六九—六八三	
卷九六 庶人之孝 愛親		六九—七〇〇	
卷九七 庶人之孝 敬親		六九—七一九	
卷九八 庶人之孝 用天道分地利謹身節用		六九—七二六	
卷九九 大順之徵		六九—七四五	
卷一〇〇 大順之徵		六九—七五八	

欽定四庫全書薈要

經部
御定孝經衍義卷四十二

詳校官主事銜臣徐以坤

欽定四庫全書薈要卷二千八百二十八
經部

御定孝經衍義卷四十二

天子之孝

敬親



臣按聖聖相傳之心一敬而已唐虞君臣之交微
伊尹傳說之告其君與夫文武之家法述之周公
而受之成王昭於書策播於詩歌亦惟反覆於敬
不敬之分以為治亂之攸繫而已敬也者一日二

欽定四庫全書

御定孝經衍義
卷四十二

日萬幾而未可使此心之一息馳也不泄於邇不
忘於遠操之頃臾勿懈於終身而孝經特舉敬心
之最初極誠無偽而不容已者欲人君識取而擴
充之以完敬之分量故曰敬親者不敢慢於人又
曰孝莫大於嚴父又曰親生之膝下以養父母日
嚴又曰禮者敬而已矣敬一人而千萬人悅又曰
教以孝所以敬天下之為人父教以悌所以敬天
下之為人兄教以臣所以敬天下之為人君十有

八章之中言敬者較言愛為尤詳鄭註曰親愛之心生於孩幼比及年長漸識義方日加尊嚴是愛先而敬後也正義曰父子之道簡易則慈孝不接狎則怠慢生焉聖人因其嚴親之心敦以愛敬之教是敬先而愛後也故教皆先敬而濂溪周子所謂禮先而樂後者亦此意也夫溯敬心之本然必自親始不敬其親而敬他人謂之悖禮然天子敬親之心所攝至宏鉅也至無罅隙間斷也一時一

欽定四庫全書

御定孝經衍義
卷四十二

二

事之有罅隙間斷即為不嚴其親故敬一人而千萬人悅此敬親之施也胥千萬人悅而後為能敬一人此敬親之量也姑以士庶人而言亦豈僅下氣怡聲問衣燠寒抑搔痛癢懸衾襦音獨簞之節已哉必也能守其身一舉足一動念一出言不敢忘父母將為善思貽父母令名必果將為不善思貽父母羞辱必不果而況天子有天下之大壇壝宗廟祖宗之所敬而禮也土地祖宗所闢也人民

祖宗所養也財用祖宗所積也法度祖宗所垂也老成賢俊祖宗所貽也畏天勤民講學立政則祖宗所歆而逸豫滅德維祖宗所恫也詩曰紹庭上下陟降厥家言親之無不在也人子不能視聽于未形聲以祇服厥事雖日起居而親必不怡也雖致齋戒荐馨香而神必吐棄也以是為敬必不然矣臣是以臚敬親之目十有四曰事天地曰法祖宗曰隆郊配曰嚴宗廟曰重學校曰崇聖學曰教宮闈曰論官材曰優大臣曰設諫官曰正綱紀曰別賢否曰制國用曰厚風俗而其可以類見者亦各附著之篇

欽定四庫全書

御定孝經衍義
卷四十二

三

易家人卦名傳曰家人有嚴君焉父母之謂也父父子子兄弟弟夫夫婦婦而家道正正家而天下定矣程頤傳曰家人之道必有所尊嚴而君長者謂父母也雖一家之內無尊嚴則孝敬衰無君長則法度廢有嚴君而後家道正家者國之則也

臣按經言孝莫大於嚴父又言親生之膝下以養父母日嚴家人以二五為父母故以五之剛而謂之嚴可也以二之柔而亦謂之嚴者嚴生於孝子事親之心歟故他書皆言父義母慈父尊而不親母親而不尊而家人之義專以嚴為訓嗃嗃而不嫌於厲威如而終至於吉蓋長失尊嚴少忘恭順而不亂者未之有也六爻卒歸於反身乃大象之所謂言有物而行有恒者也故身為父母而家道整肅人心祇畏者易卦之本旨也身為子弟而居致其敬祭致其嚴者孝經之本旨也父尊子卑兄弟恭夫制婦聽各盡其道斯可謂之盡敬於親正家而天下定斯可謂之不敢慢於人定猶孟子言天下之為父子者定之定經所謂德教加於百姓刑於四海者也

書無逸

篇名成王即位周公恐其逸豫故戒以無逸

相小人厥父母勤勞稼

穡厥子乃不知稼穡之艱難乃逸乃諺既誕否則侮厥

父母曰昔之人無聞知

蔡沈傳曰言視小人其父母勤勞稼穡其子乃生於蓐養不知稼穡之艱難乃縱逸自恣乃習俚巷鄙語既又誕妄無所不至不然則又訕侮其父母曰古老之人無聞無知徒自勞苦而不知所以自逸也昔劉裕奮農畝而取江左一再傳後子孫見其服用反笑曰田舍翁得此亦過矣此正所謂昔之人無聞知也使成王非周公之訓安知其不以公劉后稷為田舍

翁乎

臣按周語曰天所崇之子孫或在畎畝由欲亂民也畎畝之子或在社稷由欲靖民也蓋一念之敬肆即以分國脉之延促壽命之脩短小人而侮厥父母則喪其成勞將不保首領君子而侮厥父母其所喪者豈其微哉南史宋高祖劉裕孫孝武帝駿壞高祖所居陰室為玉燭殿牀頭有土障

土障如今

牀頭小曲屏風壘土為之示儉素也

壁上掛葛燈籠

籠罩燈之具麻

蠅拂拂揮蠅之具袁顗因盛稱高祖儉德上曰田

舍翁得此已為過矣蔡傳所引本此然不但孝武

有是事也前此矣通鑑文帝元嘉四年二月乙卯

帝如丹徒已謁京陵初高祖既貴命藏微時耕

具以示子孫帝至故宮見之有慙色近侍或進曰

大舜躬耕歷山伯禹親事水土陛下不覩遺物安

知先帝之至德稼穡之艱難乎二事先後一轍也

然則裕之子孫其為不敬親也甚矣哉人主誠克

欽定四庫全書

御定孝經衍義
卷四十二

六

念創業之艱傳付之重而對祖父所服御之物則

嚴恭寅畏之意油然而勃然見於顏面何為而有慚

色奉以為寶不啻球圖琬琰何至於俚鄙誕妄以

田舍翁數其先世哉

詩周頌閔予小子

篇名成王免喪始朝於先王之廟而作此詩也曰閔予小子

成王遭家不造

成王與紂同其傾反在疚言喪畢思慕意氣未能平也

於乎

嗚呼下同皇考永世克孝歎武王之終身能孝念茲皇考陟降庭

止言武王之孝思念文王常若見其陟降於庭

維予小子夙夜敬止於乎皇

王

兼指文武繼序思不忘武王能以念茲祖考為孝成王亦當以思繼祖考為孝

陳櫟曰思親而見其如在者此人子終身慕親之孝

當親沒而愈篤者也記曰致愛則存致慙則著著存

不忘乎心夫安得不敬乎惟武王之孝於文王者有

此心故成王之孝於武王者亦惟致敬以不忘乎此

心此武王之達孝所以上無愧於文王而可示法于

成王也

訪落

篇名成王既朝于廟因作詩以道廷訪羣臣之意曰訪問子落始止率循

欽定四庫全書

御定孝經衍義
卷四十二

七

時昭考

武王於乎悠哉朕未有父五蓋反言將予就之

繼猶判渙

判分渙散也將使子勉強以就之而維予小

子未堪家多難

乃旦紹庭上下思繼武王陟降厥家思繼

武王之休矣皇考以保明其身

胡一桂曰自繼猶判渙而上言皇皇如有求而弗得

之意自維予小子而下則煮蒿悽愴如或見之也

陳櫟曰成王紹武王之上下陟降於家庭者是即武

王念文王而見其陟降于家庭者也如此者豈不由

于前詩之夙夜敬止繼序思不忘哉維其能敬以思繼武王念文王之心所以能以武王之如見文王于庭者而紹武王于家庭也

臣按閔予小子訪落二詩乃成王將蒞政朝于廟而與羣臣謀始事者也王既免喪矣而猶自以嬛嬛孤特在憂病之中則其著存不忘之敬固足以為立政之大本矣今皇之所以繼皇考與皇考之所以繼皇祖者同此敬矣而猶自以為相去懸絕

欽定四庫全書

御定孝經衍義
卷四十二

八

弗克負荷欲就而行憂其分散不屬不若皇考之能繼志述事以治內治外也成王之敬武王正所以敬文王敬文王正所以敬肇基王迹之列祖而嚴父之義備矣故曰成王能昭明前人之烈者也禮記坊記善則稱親過則稱己則民作孝太誓曰子克紂非予武惟朕文考無罪紂克予非朕文考有罪惟予小子無良

臣按泰誓稱文考乃歸美於親之一事其實雅頌

所云陳於郊配宗祀史書所紀藏諸金匱石室及冊命臣下誥諭四方之文罔不稱述祖訓昭明前烈蓋作者之體如是然乃發乎敬心之所誠然而不容已者故曰一出言而不敢忘父母後世如秦始皇所至刻石頌功德所云皇帝臨位皇帝作始皇帝躬聖之類乃無一字及其先人者秦既已悖其親而虐用其民自取覆滅觀其刻石之辭與泰誓相戾亦足以殄厥世矣然則詩書之文信非有德者不能言也

欽定四庫全書

御定孝經衍義
卷四十二

九

孟子孝子之至莫大乎尊親尊親之至莫大乎以天下養為天子父尊之至也以天下養養之至也詩曰永言孝思孝思維則此之謂也

輔廣曰舜既為天子則瞽瞍實為天子之父備享四海九州之奉而舜為尊親養親之至矣故引下武詩以詠歎之以為如舜者然後可謂長言孝思而為天下法則者矣豈有使其父北面而朝之理乎

臣按天子禮絕旁尊而孝莫大於嚴父故記言雖天子必有父孟子曰為天子父尊之至也有聖人之孝復有聖人之遇斯為敬親之極至哉

漢高祖六年夏五月尊太公為太上皇

詔曰人之至親莫親於父子故父有天下傳歸于子子有天下尊歸于父此人道之極也前日天下大亂兵革並起萬民苦殃朕親被堅執銳自帥士卒犯危難平暴亂立諸侯偃兵息民天下大安此皆太公之教訓也諸王通侯將軍羣卿大夫已尊朕為皇帝而太公未有號今上尊太公曰太上皇

欽定四庫全書

御定孝經衍義
卷四十二

十

臣按高祖定天下之後五日一朝太公如家人父子禮此敬親之心自然而然不假強勉者也激於家令之言而太公擁篲始上尊號先儒非之以為太上之稱從古未有秦始皇追尊莊襄王為太上皇蓋太上者無上也皇者德大于帝故尊其父號太上皇此乃亡秦之故事爾夫父子根于天性以

家人之禮敬其親故曰為天子父尊之至也何庸爵其父乎臣竊謂禮之有作原本人情已為天子稱親為天子之父可以自慰乎且使天下臣民章奏亦稱為天子之父有是體乎名之必可言殆不然矣子爵不敢加于父固也然追王之典武王周公已行之既可推尊于已往獨不可推尊于存者乎且合萬國九州同然之情而上尊號于其親亦非出一己之私也若云亡秦之制則後世之襲其名而不改者多矣奚獨于此而疑之哉

欽定四庫全書

御定孝經衍義
卷四十二

十一

章帝即位尊明德馬皇后為皇太后建初元年欲封爵諸舅太后不聽明年夏大早有司復以為請太后詔曰先帝諸子之封裁令半楚淮陽諸國常謂我子不當與先帝子等今有司奈何欲以馬氏比陰氏乎固不許帝省詔悲歎復重請曰漢興舅氏之封侯猶皇子之為王也太后誠存謙虛奈何令臣獨不加恩三舅且衛尉年尊兩校尉有大病如令不諱使臣長抱刻骨之恨宜及

吉時不可稽留太后猶不許四年天下豐稔方垂無事
帝遂封三舅廖防光為列侯

臣按明德馬太后漢之賢后也跡其峻辭恩澤其
言皆具見肺腑至曰吾素剛急有匈中氣不可不
順也古固有以從命為孝者帝何為堅伸己志而
違慈母之惓惓乎夫章帝非明德之所生也史稱
其盡心撫育勞瘁過於所生太后之恩大矣帝欲
報之而太后一身儉約已甚無能罄其烏烏之情

欽定四庫全書

御定孝經衍義
卷四十二

十三

於是推以及於諸舅氏此帝曲行其敬於愛之中
亦所以為孝也不然王氏五侯之戒太后知之帝
豈不知之非劉氏不侯之制太后念之帝豈不念
之而三舅之封久而必遂帝以為吾敬舅氏猶敬
吾母氏云爾史稱章帝孝性惇篤母子慈愛始終
無纖介之間即封三舅一端可觀矣嘗慨孝文之
於薄昭其事若甚斷而論者猶以孝文不善處舅
氏傷母后之心然則事親之際蓋無微而可忽也

於章帝已事可以教敬焉

靈帝熹平六年以宣陵孝子為太子舍人蔡邕上封事
言宣陵孝子虛偽小人本非骨肉羣聚山陵假名稱孝
義無所依至有奸軌之人通容其中太子官屬宜揆選
令德豈有但取邱墓凶醜之人其為不祥莫大焉宜遣
歸田里以明詐偽書奏帝乃詔宣陵孝子為舍人者悉
改為丞尉焉

欽定四庫全書

御定孝經衍義
卷四十二

十三

臣按宣陵孝子之名虛誕不經既以崇長奸偽亦
以瀆侮先靈可謂大不敬矣雖置之于理不為過
顧乃官之乎以此為家丞庶子之選是不以奸偽
瀆侮為凶德而反以為太子官屬異乎君子之孝
永錫爾類者矣又禮言喪稱哀子哀孫祭稱孝子
孝孫支子不祭則惟嗣君乃得稱孝子于陵廟耳
先君之支庶且不敢奸而使邱墓凶醜之人稱之
名不正言不順能無辱親之懼乎

晉武帝受禪尊母太妃王氏為皇太后宮曰崇化初置

官卿重選其職尋以后母羊氏未崇謚號泰始三年下詔曰昔漢文追崇靈文之號武宣有平原博平之封咸所以奉尊尊之敬廣親親之恩也故衛將軍蘭陵景侯夫人羊氏含章體順仁德醇備母儀之教光於邦國皇太后孝思蒸蒸永慕罔極朕感存遺訓追遠傷懷其封夫人為縣君依德紀謚有司請追謚為平陽縣君及后崩帝手疏后德行命史官為哀榮

臣按人子尊其親亦必推其親之所欲尊者而致

欽定四庫全書

御定孝經衍義
卷四十二

十四

其尊焉蓋顯親揚名人子之心即父母之心也晉武帝追崇太后之母羊氏加以顯號則所以慰其親罔極之思者至矣手疏后德行命史官作哀榮皆可謂得敬親之大者

宋武帝事蕭太后素謹及即位春秋已高每旦入朝太后未嘗失時刻

臣按人君繼體傳重所謂居致其敬者如禮家所紀一日三朝寢門視膳皆在儲貳之時而即位以

後惟得祇事慈顏故尊養之隆恒于母后也赤帝之興雖以分羹致誚而新豐故人差慰悽愴未央上壽稱臣奉卮亦庶幾得自盡焉宋祖自以纂靈豐谷即位春秋高矣謹事母后循古鷄鳴盥漱之儀抑何謹也要皆起自匹庶所以為異云

宋主

世祖
孝武

駿祖太子子業立年十六蔡興宗奉璽綬太子受之傲情無戚容興宗出告人曰家國之禍其在此

乎

欽定四庫全書

御定孝經衍義
卷四十二

十五

臣按晉惠公執玉卑拜不稽首內史過知其無後魯昭公薨齊歸無戚容史趙叔向皆知其必去國子業之不敬其親與晉惠魯昭何異逮于王太后疾篤呼之不往致太后恚怒欲自剖其腹其罪加于晉魯之君一等矣

梁武帝天監十六年夏四月詔以宗廟用牲有累冥道宜皆以麵為之於是朝野諠譁以為宗廟去牲乃是不復血食竟不從八坐

後漢以六曹尚書令僕為八坐魏以五曹尚書二僕射一令為八坐